

宜黃縣志卷十六

食貨志 驛鹽

邑南舊有金斗驛久廢文移往來祇有舖司以地非衝要無事置郵也淮鹽水運由縣北境抵城僅四十餘里自縣城以上崇山峻嶺均百數十里舟楫不通陸運赴鄉肩挑脚費及走鹵耗折又加甚焉商運難之以故官引滯銷每厯當事之慮今志舖司名額官鹽引額如左

史志

總舖在治前舖司兵三名

宜黃縣志

卷十六 食貨 驛鹽

遮山舖兵二名

嶺源舖兵二名

陶陂舖兵二名

長山舖兵二名

搗港舖兵二名

宜邑向例每歲額銷淮鹽四千七百六十九引每五十包爲一引每包重七觔半於嘉慶二十一年本府伊詳請咨 准減額歲銷鹽二千一百九十三引七分四釐

